

Escrito por Redaccion @valminorinfo
Luns, 18 Maio 2015 16:20



A pasada fin de semana voluntarios do Proxecto Ríos traballaron na limpeza e recollida de mostras en 2 dos 3 quilómetros no que o río Zamáns descorre por territorio gondomarense. *"Queremos chamar a atención a todo o mundo incluído os partidos políticos que teñan en conta un problema moi grave coma é a erradicación das especies vexetais invasoras"*, sinala Pablo Casal Núñez, veciño e custodia deste proxecto en Gondomar. Agrega que estas xa son praga no concello, nomeadamente as especies , tradescantia, tritonia, herba tintureira, cana ou a herba da pampa, *"esta última en expansión crecente"*, afirma.

O Proxecto Ríos é unha iniciativa a nivel galego de educación e voluntariado ambiental que pretende fomentar a participación activa da sociedade na conservación dos ríos. *"Facemos varios muestreos anuais dos ecosistemas fluviais, facendo estudos e seguimentos participativos dos que se serve a administración galega para elaborar unha valoración da todas a concas fluviais do país"*, explica Casal. Valoracións que inclúen a vexetación de ribeira, calidade hidromorfolóxica, calidade fisicoquímica das augas, biodiversidade da fauna, *"sobre todo a dos macroinvertebrados, que son uns dos parámetros que mellor reflicten o estado da pureza das augas"*, engade. Actividade esta que realizan dende o ano 2009.

Neste senso, o colectivo quere *"recordar a todos os partidos políticos de Gondomar que a*

Escrito por Redaccion @valminorinfo
Luns, 18 Maio 2015 16:20

preservación dos ecosistemas ribereños debería estar en todos os programas e non ser motivo de discusión ou xogo político. Gondomar tem moitos quilómetros de cursos fluviais que historicamente xeraron riqueza; podemos velo na cantidade extraordinaria de patrimonio etnográfico e arquitectónico que temos nos ríos como muiños, pontillóns, levadas, presotes e peiraos ".

Denuncian que "*cun día de limpeza de río o ano ou poñer uns bancos ou adecentar unha ponte de madeira non solucionamos os verdadeiros problemas que temos co patrimonio natural en Gondomar. Fai falta diálogo e consenso, e colaborar coas organizacións que coñecen o territorio e que están a traballar nel dende fai moitos anos* ".

Entenden que coa colaboración entre a administración e os colectivos e veciños "*podemos erradicar estas pragas que tanto dano están a facer na biodiversidade do Val Miñor* "
_